

摘藻堂四庫全書薈要

經部

欽定四庫全書薈要

經部

儀禮注疏卷十四

臣紀昀詳校

詳校官編修臣程嘉謨



欽定四庫全書薈要卷二千十三

經部

儀禮注疏卷十四

漢鄭氏注 唐陸德明音義 賈公彥疏

士虞禮第十四

士虞禮○特豕饋食注饋猶歸也音義

饋其位反疏釋曰自此盡南

順論陳鼎鑊祭器凡筵等之事案左氏傳云卜日曰牲是以特牲云牲大夫已上稱牲亦稱牢故云少牢此虞為喪祭又葬日虞因其吉日故略無卜牲之禮故指豕體而言不云牲大夫已上亦當然禘記云大夫之虞也猶牲又此下記云陳牲於廟門外檀弓云與有司視虞牲皆言牲者記人之言不依常例故也然少牢云司馬

到羊司士擊豕不言牲者據殺時須指事而言亦非常例也注釋曰云饋猶歸者謂以物與神及人皆言饋是以此虞及特牲少牢皆言饋坊記云父母在饋獻不及車馬是生死皆言饋又案周禮玉府云掌凡王之獻金玉兵器注謂百工為王所作可以獻遺諸侯古者致物於人尊之則曰獻通行曰饋以此而言獻雖主於尊其春秋齊侯來獻魯戎捷尊魯也其云饋者上下通稱故祭祀於神而言饋陽貨饋孔子豚而言饋鄉黨云朋友之饋是上下通言饋膳夫云凡王之饋食用六穀注云進物於尊曰饋此饋之盛者王舉之饌也彼鄭據當文是進於王故云進

側亨于廟門外之右東面注側亨亨

一胖也亨於爨用鑊不於門東未可以吉也是日也以

虞易奠祔而以吉祭易喪祭鬼神所在則曰廟尊言之

音義

享普庚反劉虛兩反注同胖音判鑊戶郭反

疏

注釋曰云側亨享一胖也知者案吉禮皆全左

右胖皆亨不云側此云側亨明享一胖而已必享一胖者以其虞不致爵自獻賓已後則無主人主婦及賓已下之俎故惟享一胖也若然特牲亦云側殺者彼雖亨左右胖少牢二特牲一故以一牲為側各有對故也云亨於鑊用鑊者亦案少牢有羊豕鑊故亨在鑊云不於門東未可以吉也者以虞為喪祭不於門東對特牲吉禮鼎鑊皆在門東此云門外之右是門之西未可以吉也云是日也以虞易奠祔而以吉祭易喪祭皆檀弓文云是日謂葬日日中而虞易去奠以死事之故立尸而祭之云祔而以吉祭易喪祭者案下記云三虞卒哭他用剛日亦如初曰哀薦成事鄭注引檀弓文葬日中而虞不忍一日離也是日也以虞易奠卒哭曰成事是日也以吉祭易喪祭如是則卒哭即是吉祭而鄭此注云祔為吉祭者卒哭對虞為吉祭卒哭比祔為喪祭故

下記云卒哭祭乃饌云尊兩甒於廟門外之右少南洗
在尊東南水在洗東篚在西注云在外之左又少南則
鼎鑊亦在門左以此知卒哭對虞為吉祭也又云明日
以其班祔用專膚為折俎取諸脰膾其他如饋食是祔
乃與特牲吉祭同以祔為吉祭是以云祔而以吉祭易
喪祭也云鬼神所在則曰廟尊言之者對時廟與寢別
今雖葬既以其迎魂而反神還在
寢故以寢為廟虞於中祭之也

魚腊饔亞之北上注

饔音疏

釋曰上豕饔在門右東西此魚腊各別饔言北

為饔至孔子時為饔故王孫賈問孔子曰與其媚

於奧寧媚於饔是前後異名故鄭舉後決前也

在東辟西面注炊黍稷曰饔饔北上上齊于屋宇於虞

有亨饔之饔彌吉音義

饔尺疏

釋曰以三饔在西方反
志反
吉業特牲云主婦視饔

饗於西堂下宗婦主之在西方今在東亦反吉也少牢
廩饗在饗饗之北在門外者是大夫主之廩人掌男子
之事故與牲饗同在門外東方也注釋曰知炊黍稷曰
饗者案周禮饗人云掌凡祭祀共盛齊盛即黍稷故知
也云北上上齊於屋宇者此案特牲記云饗饗在西
鄭注云西辟堂之西墻下舊說云南北直屋栢稷在南
彼此東西皆言辟彼云屋栢此云屋宇故知此亦齊屋
宇也云於虞有亨饗之饗彌吉者以其小斂大斂未有
黍稷朔月薦新之等始有黍稷向吉仍
未有饗至此始有亨饗之饗故云彌吉

設洗于西階西

南水在洗西篚在東注反吉也亦當西榮南北以堂深

疏

注釋曰如其上文設饗反吉此亦反吉又上下篇吉
時設洗皆當東榮南北以堂深今在西階西南亦當

西榮南北以堂深可知也

尊于室中北墉下當戶兩甒醴酒酒在東

無禁罽用絺布加勺南枋注酒在東上醴也絺布葛屬

音義

幕亡

疏

注釋曰云酒在東上醴也者醴法上古酒是人所常飲故在東吉禮玄酒在酒上今

以喪祭禮無玄酒則醴代玄酒在上故云上醴也絺布葛屬者絺絺以葛為之布則以麻為之今絺布並言則此麻葛襍故有兩號是以鄭云葛屬也

素几葦席在西序下注有几始鬼

神也疏

注釋曰經几席具有注唯云几者以其大斂奠時已有席至此虞祭乃有几故也然素檀弓云

虞而立尸有几筵筵則席虞祭始有者以几筵相將故連言筵士虞有几若天子諸侯始死則几筵具故周禮司几筵云每敦一几據始殯及葬時是始死即几席具也

苴刈茅長五寸束之實于

筐饌于西坫上注苴猶藉也音義

苴了徐反劉子都反下及記同刊七本反

藉在夜反

疏

注釋曰此苴而云藉祭故易云藉用白茅無咎

饌兩豆菹醢于西

楹之東醢在西一鉶亞之注醢在西南面取之得左取

菹右取醢便其設之音義

便婢面反後放此

疏

釋曰此饌繼西楹言之以西

楹為主向東陳之云一鉶亞之者菹以東也注釋曰云醢在西南面取之得左取菹右取醢便其設之者以其尸在與東面設者西面設於尸前菹在南醢在北今於西楹東饌之菹在東醢在西是南面取之得左取菹右取醢至尸前西面又左菹右醢故云便也

從獻豆兩亞之四籩亞之北上注

豆從主人獻祝籩從主婦獻尸祝北上菹與棗不東陳

別於正音義

別彼疏釋曰此從獻豆籩雖文承一鉶之列反疏下而云亞之下別云北上是從

銅東為次宜於銅東北以北為上向南陳之若然文承
一銅下而云亞之者以其次在銅以東去楹漸遠故云
亞不謂亞銅以東也據此陳之次然則東北菹為首次
南醢醢東栗栗北棗棗東栗栗南栗此以東面取之而
入北面設之祝前得右菹左醢其籩亦然先陳者先設
後陳者後設棗在左亦得共設故鄭云北上菹與棗也
注釋曰云豆從主人獻祝者以其尸前正豆已設訖以
為陰獸不名為從此二豆主人先獻祝酒後乃薦豆故
言從云籩從主婦獻祝尸者以其四籩二籩從主婦獻
尸二籩從主婦獻祝亦是從也云不東陳別於正者以
二豆與銅在尸為獻前為正此
皆在獻後為非正故東北別也

饌黍稷二敦于階閒西

上藉用葦席注藉猶薦也古文藉為席音義

敦音對劉又都愛反

後放此

疏

注釋曰云藉猶薦也者謂先陳席乃陳黍稷於上是所陳席藉薦黍稷也

匱水錯于

槃中南流在西階之南簞布在其東注流匝吐水口也

音義

匝音移錯七故反後同簞音丹

陳三鼎于門外之右北面北上設

局甬注門外之右門西也今文局為鉉音義

鉉延犬反

疏

釋曰

此局雖先云設其設局在後知者案士喪禮小斂云右人在執匕抽局予左手魚執之取甬委於鼎北加局則局在甬上故先抽局後去甬則甬先設可知局甬雖在三鼎之下總言其實陳二鼎訖即設之知者案下記云皆設局甬注云嫌既陳乃設局甬是也

匕俎在西塾之西注不饌於塾上

統於鼎也塾有西者是室南鄉音義

鄉許亮反

疏

注釋曰云不饌於塾

上統於鼎也者決下文羞燔俎在內西塾上又云賓降反俎於西塾至於主婦亞獻訖直云賓燔從如初明尸

受燔訖賓亦反組于西塾上是互見義也

羞燔俎在內西塾上南順注南順

於南面取縮執之便也肝俎在燔東音義

燔音煩

○主人

及兄弟如葬服賓執事者如弔服皆即位于門外如朝

夕臨位婦人及內兄弟服即位于堂亦如之注葬服者

既夕曰丈夫髻散帶坐也賓執事者賓客來執事也音

義

臨力蔭反下同髻側瓜反散悉但反

疏

釋曰自此盡北面論將虞祭於位及衣服之事注釋曰云葬服

者既夕曰丈夫髻散帶坐也者此唯謂葬日反日中而虞及三虞時其後卒哭即服其故服是以既夕記注云自卒至殯自啓至葬主人之禮其變同則始虞與葬服同三虞皆同至卒哭卒去無時之哭則依其喪服乃變

麻服葛也云賓執事者賓客來執事也者以其虞為喪祭主人未執事故云賓客來執事也案下注云士之屬官為其長弔服加麻即此經賓執事者弔服士也若然此士屬官中有命于其君者是以特牲記賓中有公有司鄭注云公有司亦士之屬命于其君者也案曾子問士則朋友奠不足則取於大功以下又云士祭不足則取於兄弟大功以下者鄭云祭謂虞卒哭時以此而言彼朋友則公有司與此執事一物以僚友言之雖屬官亦為朋友也

祝免澡葛經帶布席于室中東面右几降出及

宗人即位于門西東面南上注祝亦執事免者祭祀之禮祝所親也澡治也治葛以為首經及帶接神宜變也然則士之屬官為其長弔服加麻矣至於既卒哭主人

變服則除右几於席近南也音義

免音問注同澡音早為其于偽反下為神

同長丁文反下文並注

疏

注釋曰云祝亦執事者謂亦上執事也云免者祭祀之禮

同近附近之近後放此

祝所親也者案禮記喪服小記云總麻小功虞卒哭則

免注云卒哭總麻以上至斬衰皆免今祝是執事屬吏

之等皆無免法今與總以上同著免嫌其大重故云祭祀之禮祝所親而可以受服也

宗人告有

司具遂請拜賓如臨入門哭婦人哭注臨朝夕哭疏

注釋

曰朝夕哭時門外送賓訖入門男子婦人共哭也

主人即位于堂衆主人及兄

弟賓即位于西方如反哭位注既夕曰乃反哭入門升

自西階東面衆主人堂下東面北上異於朝夕疏

釋曰此明

賓將與祭主人及兄弟等即位之事注釋曰云祝入門如反哭位鄭引既夕者證主人等面位之事也

左北面注不與執事同位接神尊也疏

注釋曰云不與執事同位接神

尊也者執事即上兄弟賓即位于西方如反哭位皆是執事故曾子問喪祭不足則取兄弟故云祝不與執事

同位接神尊也

宗人西階前北面注當詔主人及賓之事疏

注釋

曰此宗人在堂下是主人在堂時若主人在室宗人即升堂是以下記云主人在室則宗人升戶外北面注云當詔主人祝盥升取苴降洗之升入設于几東席上東室事是也

縮降洗解升止哭注縮從也古文縮為蹙音義

縮所亦反從子

容反下從並注

疏

釋曰自此盡哭出復位論設饌於神杖不入於門之事也案此文陰厭時

同蹙子六反

主人倚杖入祝從在左西面下記云尸入祝從尸注云祝在主人前也嫌如初時主人倚杖入祝從之初時主人之心尚若親存宜自親之今既接神祝當詔侑尸也主人前自西入向東在階下未得倚杖於序今主人在西階將入室故

主人倚杖入祝從在左西面注主人北

倚杖於西序

旋倚杖西序乃入喪服小記曰虞杖不入於室祔杖不

升於堂然則練杖不入於門明矣贊薦菹醢醢在北注

主婦不薦齊斬之服不執事也曾子問曰士祭不足則

取於兄弟大功以下者疏

注釋曰案特牲主婦盥于房中薦兩豆此主婦不薦故決

之既引曾子問士祭不足則取於兄弟大功以下者彼文承奠下故引之下卒哭既取大功以下則齊斬不執

事可知此齊斬不執事唯為今時至於尸入之後亦執事西邁棗栗設於會南至於祔祭雖陰厭亦主婦薦主人自執事也知者下記云其他如饋食案特牲云主人在右及佐食舉牲鬯是也若大夫以上尊不執事故少牢云主人出迎鼎注云

佐食及執事盥出舉長在左注

道之也是不執事也

舉舉鼎也長在左在西方位也凡事宗人詔之鼎入設于西階前東面北上匕俎從設左人抽扃鼐匕佐食及右人載注載載於俎佐食載則亦在右矣今文扃為鉉古文鼐為密卒杙者逆退復位注復賓位也俎入設于豆東魚亞之腊特注亞次也今文無之贊設二敦于俎

南黍其東稷注簋實尊黍也疏

注釋曰云簋實尊黍也者以經西黍東稷西上

故云尊黍也經云敷注言簋者案特牲云佐食分簋銅注云分簋者分敷黍於會為有對也敷有虞氏之器也周制士用之變敷言簋容同姓之士得從周制耳然則此注變敷言簋者亦謂同姓之士得用簋故也設

一鉶于豆南注鉶菜羹也疏

注釋曰此對黍是清羹

佐食出立于

戶西注饌已也今文無于戶西疏

注釋曰佐食出者以無事不可以室立故

出立于戶西不從今文無于戶西三字者若無此文不知立之所在故不從也

贊者徹鼎注反

于門外祝酌醴命佐食啟會佐食許諾啟會卻于敦南

復位注會令也謂敷蓋也復位出立于戶西今文啟為

開音義

會古外反後放此

疏

釋曰特牲少牢直言酌奠不言酌醴者以彼直有酒故不言酒是酒

可知此酒醴兩有今所奠者醴故須言醴也若然彼單酒此兩有者以其同小飲大飲朔月遷祖祖奠大遣奠等皆酒醴並有故此虞之祝奠解于鉶南復位注復位喪祭亦兩有異於吉祭也

復主人之左疏

注釋曰云復主人之左者上主人倚杖入祝從在左下不見祝更有位故復主

人左也

○主人再拜稽首祝饗命佐食祭注饗告神饗也

此祭祭於苴也饗神辭記所謂哀子某哀顯相夙興夜

處不寧下至適爾皇祖某甫饗是也音義

相息亮反

疏

注釋曰下

云祝祝卒注云祝祝者釋孝子祭辭又下文迎尸後尸墮祭云祝祝主人拜如初此等三者皆有辭此文饗神

引記者是陰厭饗神辭下文迎尸上釋孝子辭者經記無文案少牢迎尸祝釋孝子辭云孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗此是釋孝子辭此迎尸上釋孝子辭宜與彼同但稱哀為異其迎尸後祝辭者即下記饗辭云哀子某主為而哀薦之饗鄭注云饗辭勸強尸之辭也凡吉祭饗尸曰孝子是以特牲迎尸後云祝饗注云饗勸強之也其辭取于士虞記則宜云孝孫某主為孝薦之饗是也下二虞卒哭記皆有辭至彼別釋

佐食許諾鉤袒取黍稷祭于苴三取膚

祭祭如初祝取奠解祭亦如之不盡益反奠之主人再拜稽首注鉤袒如今擻衣也苴所以藉祭也孝子始將納尸以事其親為神疑於其位設苴以定之耳或曰苴

主道也則特牲少牢當有主象而無可乎音義

探音患又古患

反一作搏音宣手發衣也

疏

注釋曰云鉤袒如今探衣也者經云鉤袒若漢時人探衣以露臂故云如今探

衣也云孝子始將納尸以事其親為神疑於其位設苴以定之耳者案上文祝取苴降席設于几東至此乃祭于苴下文乃延尸是孝子迎尸之前用苴以將納尸以事其親為神疑於其位故設苴以定之解預設苴之意也云或曰苴主道也則特牲少牢當有主象而無可乎者解舊有人云苴主道似重為主道然故鄭破之云若是苴為主道特牲少牢吉祭亦當有主象亦宜設苴今而無苴可乎是以鄭以苴為藉祭非主道也若然此據文有尸而言將納尸有苴案下記云無尸者亦有苴又特牲少牢吉祭無苴案司巫祭祀則共匱主及祖館常祀亦有苴者以天子諸侯尊者禮備故吉祭亦有苴凶祭有苴可知

祝祝卒主人拜如初

哭出復位注祝祝者釋孝子祭辭音義

祝祝劉下之又反

○祝

迎尸一人衰經奉篚哭從尸注尸主也孝子之祭不見

親之形象心無所繫立尸而主意焉一人主人兄弟檀

弓曰既封主人贈而祝宿虞尸音義

奉芳勇反篚芳鬼反本亦作篚從才

用反封彼驗

疏

釋曰自此盡如初設論迎尸入九飯之

反劉逋鄭反

疏

事注釋曰鄭知一人衰經是主人兄弟

者以主人哭出復位無從尸之禮又云衰經且非疏遠故知一人衰經是主人兄弟也引檀弓者證祝隨主人

葬先反宿虞尸故得有祝迎尸之事云既封者封當為窆窆下棺也

尸入門丈夫踊婦人

踊注踊不同文者有先後也尸入主人不降者喪事主

哀不主敬疏

注釋曰云踊不同文者有先後也者主人在西序東面衆兄弟西階下亦東西婦人

堂上當東序西面故主人與兄弟見尸先踊婦人後見尸故後踊是有先後云尸入主人不降者喪事主哀不主敬者決特牲少牢尸入主人皆降立于阼階東敬尸故此不降為主哀
淳尸盥宗人授巾

注淳沃也沃尸盥者賓執事者也音義

淳之純反疏釋注及下同

此直言盥不言面位案特牲云尸入門左北面盥宗人授巾上陳器時匱水之等在西階之東合在門左則以器就特牲注云侍盥者執其器就之若然特牲設尸盥在門內之右注云尸尊不就洗門內之右象洗在東此虞禮反吉祭故在西階東少牢禮異於士禮故尸盥在西階東與此虞禮同也
注釋曰云沃尸盥者賓執事也
者案上文賓與主人皆在執事之中
尸及階祝延尸注
既宗人授巾明沃盥亦賓執事也

延進也告之以升疏

注釋曰案特牲云祝延尸注云延進也在後詔備曰延又案少牢注

云由後詔相之曰延然則延者皆在後也若然記云尸謏祝前鄉尸又曰降階還及門如出尸注云降階如升時以此言之降在尸前云以升者直取與尸升同不取後同故禮器詔備無方是也

尸升宗人詔

踊如初注言詔踊如初則凡踊宗人詔之疏

注釋曰云言詔踊如

初則凡踊宗人詔之者以其上無宗人詔踊之事以此宗人詔踊云如初明前踊並明下文踊皆宗人詔之故鄭云凡也

尸入戶踊如初哭止注哭止尊尸婦人入于房注

辟執事者音義

辟音避

疏

注釋曰以其婦人在堂上執事者由堂東故辟之入房也

○

主人及祝拜妥尸尸拜遂坐注安安坐也音義

妥他果反劉湯

回疏注釋曰案郊特牲注云尸即至尊之坐或時不反自安則以拜安之此亦然安坐也爾雅大

從者錯篚于尸左席上立于其北注北席北也疏

注釋曰此

虞禮篚象特牲所俎置于席北明此篚亦在席北以擬盛尸之饌也

尸取奠左執之取菹

孺于醢祭于豆閒祝命佐食墮祭注下祭曰墮墮之猶

言墮下也周禮曰既祭則藏其墮謂此也今文墮為綏

特牲少牢或為羞失古正矣齊魯之間謂祭為墮音義

孺如悅反墮許恚反又相恚反藟許規反

疏

釋曰云尸取奠左執之者以右手將墮故也注釋曰云下祭曰

墮者以其凡祭皆手舉之向下祭之故云下祭曰墮云墮之猶言墮下者案左傳云子路將墮三都以三都大

高故墮下之取墮為下祭之義故讀從之引周禮守桃
職云既祭則藏其墮謂此也者謂此墮祭一也引之者
證守桃同之耳云今文墮為綏又云特牲少牢或為羞
失古正矣者此二字皆非墮下之義故云失古正也云
齊魯之間謂祭為墮者齊南魯北謂祭為墮者由墮下
而祭因即謂祭為墮是鄭從墮不從綏與羞之義也案
特牲云祝命按祭注云士虞禮古文曰祝命佐食墮祭
周禮曰既祭則藏其墮墮與按讀同耳今文改按皆為
綏古文此皆為按祭也又少牢尸將酢主人時上佐食
以綏祭鄭注云綏讀為墮此三處經中墮皆不同者此
五字或為墮或為按或為羞或為綏或為孺此五者鄭
既以按綏及羞三者已從墮復云古文作孺以其特牲
及此士虞皆有孺
祭故亦兼孺解

佐食取黍稷肺祭授尸尸祭之祭奠

祝祝主人拜如初尸嘗醴奠之注如初亦祝祝卒乃再

拜稽首疏

注釋曰云如初亦祝祝卒乃再拜稽首者亦如上文迎尸前祝祝卒乃再拜稽首也

佐

食舉肺脊授尸尸受振祭齊之左手執之注右手將有

事也尸食之時亦奠肺脊于豆音義

齊才既反疏釋曰案特牲祝命通

敦佐食通黍稷于席上舉肺脊以授尸尸受振祭齊之彼舉肺脊在通敦後此舉肺脊在通敦前者彼吉祭吉凶相變故也注釋曰云右手將有事也者為下文祭鉶嘗鉶是也云尸食之時亦奠肺脊於豆者解經無奠文知不執以食卒者案下文云尸卒食佐食受肺脊實于篚在尸手當云受肺脊又知在豆者特牲云尸實舉於菹豆是也案特牲尸乃食食舉注云舉言食者明凡解體皆連肉少牢云食舉注云舉牢肺正脊也先食啗之以為道也此喪祭不言食舉亦食舉可知是以特牲注云肺氣之主也脊正體之貴者先食啗之所以道食通

氣也案下文注云尸不受魚腊以喪不備味則亦不食庶羞矣

祝命佐食邇敦佐食舉

黍錯于席上注邇近也尸祭鉶嘗鉶注右手也少牢曰

以柶祭羊鉶遂以祭豕鉶嘗羊鉶疏

注釋曰知以右手者上經云佐食舉

肺脊授尸尸受振祭齊之左手執之鄭云右手持有事指此嘗鉶用右手也引少牢者證此經嘗祭之時亦用柶案下記云鉶毛用苦若薇有滑夏用葵冬用苴有柶是用柶祭之義

泰羹清自門入設

于鉶南戴四豆設于左注博異味也清肉汁也戴切肉

也音義

清去及反戴側吏反

疏

釋曰云設于鉶南者以泰羹清未設故繼鉶而言之其實解北留空

處以待泰羹云戴四豆設於左者案特牲四豆設於左南上云左者正豆之左又少牢云上佐食羞戴兩瓦豆

有醢設于薦豆之北注云設于薦豆之北以其加也言北亦是左也注釋曰云博異味者以其有清有馥故也

尸飯播餘于篚注不反餘也古者飯用手吉時播餘于

會古文播為半音義

飯扶晚反注及下并下注九飯同

疏

注釋曰云古者飯用手者

案曲禮云無搏飯又云無放飯飯黍無以箸故知古者飯用手言此者證播飯去手為放飯云吉時播餘于會者可知故決之三飯佐食舉幹尸受振祭噉之實于篚注飯間

啗肉安食氣音義

啗大疏敢反

疏

注釋曰云飯間啗肉安食氣者以其膈脅體骨連肉又在

三飯之間故云飯間啗肉安食氣

又三飯舉膈祭如初佐食舉魚腊實

于篚注尸不受魚腊以喪不備味音義

膈音格一音各

疏

注釋曰云

尸不受魚腊者案經佐食舉魚腊不云尸受齊之明尸不受魚腊可知云以喪不備味者案特牲三舉魚腊尸皆振祭齊之此佐食舉魚腊實於簋尸不齊故云喪不備味也

又三飯舉肩祭如初注

後舉肩者貴要成也疏

注釋曰云後舉肩者貴要成也者案禮記祭統云周人貴肩故

云貴者要成也要成者據後食即飽也

舉魚腊俎俎釋三个注釋猶遺也

遺之者君子不盡人之歡不竭人之忠个猶枚也今俗

或名枚曰個音相近此腊亦七體如其牲也音義

个古賀反

個古疏

釋曰此經直舉魚腊俎盛於簋俎釋三个不言賀反盛牲體者案下記云羹飪升左肩臂膈肫肫肫脊

脊七體此上經佐食初舉脊次舉幹又舉肱終舉肩搃舉四體唯有臂膈肫三者佐食即當俎釋三个不復盛

牲體故直舉魚腊而已注釋曰云遺之者君子不盡人之歡不竭人之忠者此上曲禮文案彼注歡謂飲食忠謂衣服於此引之併據飲食者彼注對文此注散文則歡與忠通故摠證牲體也又案特牲釋三個注云謂改饌於西北隅遺之與此注不同者此注亦有改饌之義又兼有此不盡歡忠之禮云今俗或名枚曰個音相近者經中个人下豎牽俗語名枚曰個者人傍著個字雖不同音聲相近同是一個之義云此腊亦七體如其牲也者案下記牲有七體此腊亦不過於牲體故云如其牲言此以對彼案彼特牲吉祭十一體是以特牲記云腊如牲骨乃有十一體與此不同吉禮異故也
尸卒食佐食受肺脊實于篚反

黍如初設注九飯而已士禮也篚猶吉祭之有所俎音

義

斯音祈後同

疏

釋曰云反黍如初設者案上設黍稷在俎南西黍東稷次上文佐食舉黍錯于席上

此尸卒食故反黍於本處如初設注釋曰云九飯而已
士禮也者少牢大夫禮十一飯諸侯十三飯天子十五
飯故云九飯士禮也云篚猶吉祭之有所祖者案特牲
少牢尸舉牲體振祭齊之皆加於所祖此尸舉牲體振
祭齊之皆實於篚故
○主人洗廢爵酌酒醕尸尸拜受
篚猶吉祭之有所祖

爵主人北面答拜尸祭酒嘗之注爵無足曰廢爵醕安

食也主人北面以醕酢變吉也凡異者皆變吉古文醕

作酌音義

醕以

刃反

疏

釋曰

自此

盡升

堂復

位論

主人

初獻

尸并

獻祝

及獻

佐食

之事

注釋

曰云

云

爵無足曰廢爵者案下文主婦洗足爵鄭云爵有足輕
者飾也則主人喪重爵無足可知凡諸言廢者皆是無
足廢敦之類是也云主人北面以醕酢變吉也者案特
牲少牢尸拜受主人西面拜送與北面相反故云變吉

也案特牲直有主人拜送雖不見主人面位約與少牢同皆西面也云凡異者皆變吉者案特牲云主人拜送此云主人荅拜特牲云尸卒角祝受尸角曰送爵此不云送爵特牲齊肝訖加於菹豆此齊肝訖加於俎皆是異於吉時故云

賓長以肝從實于俎縮右鹽注縮從也

凡異者皆變吉
從實肝炙於俎也喪祭進柢右鹽於俎近北便尸取之

也縮執俎言右鹽則肝鹽併也音義

長丁文反下賓長皆同炙支夜反柢

丁計疏

注釋曰云縮從也從實肝炙於俎也喪祭進柢反者案下記云載猶進柢柢本也謂肝之本頭進

之向尸云右鹽於俎近北便尸取之也者從執俎一頭向尸據執俎之人左畔有肝右畔有鹽西面向尸尸東面以右手取肝於俎右畔擣鹽於左畔是以鹽於俎之近北便尸取之云縮執俎言右鹽則肝鹽併也者謂俎

既縮執則狹肝豔不容相遠是執俎
人右畔有鹽左畔有肝故云併也

尸左執爵右取肝

擣鹽振祭臠之加于俎賓降反俎于西塾復位注取肝

右手也加于俎從其牲體也以喪不志於味疏

釋曰復位者謂

賓長也尸既振肝訖復西階前衆兄弟之南東面位注
釋曰云以喪不志於味者決特牲少牢尸臠肝訖加菹
豆以近身此虞禮尸臠肝訖不加于菹豆而遠加於俎
以同牲體者以喪志不在於味故遠身加俎也若然特
牲少牢祝不敢與尸同加於菹豆臠肝訖加于俎
與此尸同者祝無不在於味之嫌禮窮則同故也

尸卒

爵祝受不相爵主人拜尸荅拜注不相爵喪祭於禮畧

相爵者特牲曰送爵皇尸卒爵○祝酌授尸尸以醋主

人主人拜受爵尸荅拜注醋報音義

醋才各反本亦作酢

主人坐

祭卒爵拜尸荅拜○筵祝南面注祝接神尊也筵用萑

席疏

注釋曰上文尸用葦席其祝席經記雖不言以尸用在喪故不用萑今祝宜與平常同故用萑也云

祝接神尊也者解得先獻之事

主人獻祝祝拜坐受爵主人荅拜注獻

祝因反西面位疏

注釋曰云獻祝因反西面位者以少牢云主人受酢時主人拜受爵尸荅

拜主人西面奠爵特牲云主人拜受爵尸拜送主人退雖不言西面彼注云退者進受爵反位則西面也是吉祭時主人西面故上注云北面以醕酢變吉也今至醕酢及獻祝訖明因反西面位可知也

薦菹醢

設俎祝左執爵祭薦奠爵興取肺坐祭臠之興加于俎

祭酒嘗之肝從祝取肝擣鹽振祭噉之加于俎卒爵拜

主人荅拜祝坐授主人注今文無擣鹽疏

釋曰此直言薦菹醢設俎

者不見薦設之人案下文云祝薦席徹入于房注云徹薦席者執事者則此設者亦執事可知

○主人

酌獻佐食佐食北面拜坐受爵主人荅拜佐食祭酒卒

爵拜主人荅拜受爵出實于篚升堂復位注篚在庭不

復入事已也亦因取杖乃東面立疏

注釋曰云篚在庭者此雖無文約同

薦車設薦奠之等也云不復入事已也亦因取杖乃東面立者上文哭時主人升堂西序東面又上文云主人倚杖入今升堂復位不復入室以其事已因得取杖復東面位也

○主婦洗足爵于房

中酌亞獻尸如主人儀注爵有足輕者飾也昏禮曰內

洗在北堂直室東隅音義

直音

疏

釋曰自此盡入于房論主婦獻尸並獻祝

及佐食之事云如主人儀者即上主人醑尸尸拜受爵
主人北面答拜之等今主婦亞獻亦然故云如主人儀
也注釋曰云爵有足輕者飾也者主婦主人之婦為舅
姑齊衰是輕於主人故爵有足為飾也引昏禮者證經
洗爵於房中不言設
洗處宜與昏禮同也
自反兩簋棗栗設于會南棗在西

注尚棗棗美疏

釋曰案特牲宗婦執兩簋主婦受設于敦南此主婦自反兩簋不使宗婦者以

喪尚繼繼反吉故然上主人獻使贊薦菹醢注云齊斬
之服不執事者彼為主人獻故不使主婦薦此亞獻已
所有事故
自薦可知
尸祭邊祭酒如初賓以燔從如初尸祭燔卒

爵如初○酌獻祝邊燔從獻佐食皆如初以虛爵入于

房注初主人儀疏

注釋曰此尸祭邊已下至邊燔從獻佐食皆與主人獻尸賓長以肝從至

佐食祭酒卒爵拜主人荅拜受爵出實于篚並如主人儀故皆云如初也

○賓長洗纒爵三

獻燔從如初儀注纒爵口足之間有篆又彌飾音義

於纒

力反篆

疏

釋曰此一節論賓長終三獻之事注釋曰云

文轉反

纒

爵口足之間有篆又彌飾者案屨人纒是

屨之牙底之間縫中之飾則此爵云纒者亦是爵口足

之間有飾可知云又彌飾以其主婦有足已是有飾今

口足之間

又加飾也

○婦人復位注復堂上西面位事已尸將出

當哭踊疏

釋曰自此盡拜稽顙論祭訖送尸及改饌為陽厭之事注釋曰云復堂上西面位者上云

主人即位于門外如朝夕臨位婦人及內兄弟服即位於堂亦如之以下更不見別有婦人位明復位者還此位可知又案士喪禮凡臨位婦人即位于堂南上即西面位也云尸將出當哭踊者以哭送此喪祭故踊特牲吉祭不哭踊故亦祝出尸西面告利成主人哭注西面無此復位之事也

告告主人也利猶養也成畢也言養禮畢也不言養禮

畢於尸閒嫌音義

養子亮反下同

疏

注釋曰云西面告告主人也者以據主人東面故祝

西面對而告之云不言養禮畢於尸閒嫌者若言養禮畢即於尸中間有嫌諷去之或本閒作閑音以養尸事

畢而尸空閒嫌諷去之

皆哭注丈夫婦人於主人哭斯哭矣疏

注釋

曰上云主人哭則主人之外總麻以上在位者皆哭故鄭總言丈夫婦人於主人哭斯哭矣

祝入尸

謾注祝入而無事尸則知起矣不告尸者無遺尊者之

道也古文謾或為休音義

謾所六反起也

疏注釋曰云祝入而無事尸則知起矣

者辭不告尸無事尸亦知無事禮畢而起矣云不告尸者無遺尊者之道也者謂不告尸以禮畢者尸尊若告之則如發遺尊者故云不從者奉篚哭如初注初哭從告尸者無遺尊者之道也

尸祝前尸出戶踊如初降堂踊如初出門亦如之注前

道也如初者出如入降如升三者之節悲哀同音義

道音

導下前道道

疏

注釋曰案上文尸入門丈夫踊婦人踊尸為道同尸及階祝近尸尸升宗人詔踊如初尸

入戶踊如初故此鄭云出如入降如升三者之節悲哀同是以如之得有三者也

○祝反入徹

設于西北隅如其設也凡在南非用席注改設饌者不知鬼神之節改設之廢幾歆饗所以為歆飫也凡在南變右文明東面不南面漸也非隱也于非隱之處從其

幽闇音義

非扶未反劉音非隱也獸一豔反飫於庶反

疏

釋曰祝反入謂送尸出門而反入徹

神前之饌改設於西北隅也云如其設也者謂設于西北隅次第一如與中東面設注釋曰云凡在南變右文者上文陰獸時設几席于室中東面右几今文几在南明其同必變文者案少牢大夫禮陽獸時南面亦几在右此言右几嫌與大夫同南面而右几故變文云几在南與前在與同故云明東面也又以特牲云祝筵几于室中東面至於改饌云佐食徹尸薦俎設于西北隅凡在南是與此同也云不南面漸也者以特牲東面右

几今虞為喪祭示向吉有漸故設几與吉祭同云匪隱也于匪隱之處從其幽闇者謂以席為障使之隱故云匪隱從其祝薦席徹入于房祝自執其俎出注徹薦席幽闇也

者執事者祝薦席則初自房來疏

注釋曰云徹薦席者執事者但祝之薦席

設與徹不言其人知使執事者以其主人之事不言官者皆為之故也云祝薦席則初自房來者以其上文神席在西序下此祝經記俱不言今知自房來者見公食大夫記云筵出自房昏禮與士冠席皆亦在于房故此祝席亦自房來今贊闔牖戶注鬼神尚居幽闇或者遠還于房可知也

人乎贊佐食者疏

注釋曰云或者遠人乎者禮記郊特牲文此鄭氏之義非直取鬼神居幽

闇或取遠人之意故也云贊佐食者自上以來行事唯有祝與佐食以其云祝自執其俎出故知闔牖戶是佐

也食
○主人降賓出注宗人詔主人降賓則出廟門主人

出門哭止皆復位注門外未入位疏

注釋曰知是門外位者以經云出門

乃更云皆復位明門外未入位可知

宗人告事畢賓出主人送拜稽顙注

送拜者明于大門外也賓執事者皆去則徹室中之饌

者兄弟也疏

注釋曰云送拜者明于大門外也者以其上文云復位是殯門外未出大門此云送

拜是大門外送拜可知知徹室中之饌者兄弟也者賓即執事而云賓出則室中無執事之人唯有兄弟故徹室中之饌者兄弟可知也

記虞沐浴不櫛注浴者將祭自潔清不櫛未在於飾也

唯三年之喪不櫛期以下櫛可也今文曰沐浴音義

櫛莊

乙疏

注釋曰云唯三年之喪不櫛期以下櫛可也者經文唯據三年為主案下文班祔而明期以下虞而

浴沐禘可也

○陳牲于廟門外北首西上寢右注言牲腊在

其中西上變吉寢右者當升左胖也腊用櫛檀弓曰既

反哭主人與有司視虞牲疏

注釋曰知腊在牲中者士虞唯有一豕而云西上明

知兼兔腊得云西上也云西上變吉者案少牢二牲東上是吉祭東上今此西上是變吉也云寢右者當升左胖也者若然特牲腊在東置於櫛東首牲在西尚右今虞禮反吉故寢右升左胖知腊用櫛者案特牲陳鼎於門外北面北上櫛在南南順實獸于其上

東首是也引檀弓者證虞時視牲之事

日中而行事

注朝葬日中而虞君子舉事必用辰正也再虞三虞皆

質明疏

注釋曰云辰正者謂朝夕日中也以朝有葬事故至日中而行虞事也云再虞三虞皆質明者

以朝無葬事故皆質明而行虞事是用朝之辰正也殺于廟門西主人不視豚解

注主人視牲不視殺凡為喪事略也豚解解前後脰脊

脅而已熟乃體解升於鼎也今文無廟疏

注釋曰云主人視牲不視

殺凡為喪事略也者案特牲饋食禮宗人告濯具賓出主人出皆復外位鄭云為視牲也又曰告事畢賓出主人拜送風興主人服如初立于門外東方南面視側殺然則特牲吉祭故主人視牲又視殺今虞為喪事故主人視牲不視殺是其略也凡者眾辭但此經與特牲饋食不同者皆為喪事略故云凡以廣之豚解解前後脰

脊骨而已熟乃體解升於鼎也者體解下文七體是也

羹飪升左肩臂臠肫骼脊

脊離肺膚祭三取諸左臚上肺祭一實于上鼎注肉謂

之羹飪熟也脊骨正脊正脊也喪祭畧七體耳離肺舉

肺也少牢饋食禮曰舉肺一長終肺祭肺三皆刊臚脰

肉也古文曰左股上字從肉從殳殳矛之殳聲音義

而飪

甚反臠乃報反肫音純又之春反

疏

注釋曰肉謂之羹爾雅釋器文飪熟

骼音格臚音並殳音殊矛莫侯反

爾雅釋器文

飪熟

釋言文云脊骨正脊正骨也者案特牲注云不敗正脊不奪正也然則此為喪祭體數雖畧亦不奪正故知脊

骨正脊正骨也云喪祭畧七體耳者案特牲尸俎右肩臂臠肫臠正脊二骨橫脊長骨二骨短骨注云士之正

祭禮九體敗於大夫有併骨二亦得十一之名合少牢
之體數此所謂放而不致者然則此所升唯七體故云
喪祭畧七體耳云離肺舉肺也者案特牲注云離猶挂
也小而長午割之亦不提心謂之舉肺是也引少牢饋
食禮者證離肺舉肺之異也云膾膾肉也者案少牢云
雍人倫膚九實于一鼎注云倫擇也膚胛革肉擇之取
美者案下注今以膾膾敗於純吉則此用膾為敗於純
吉之事也云古文曰左股上此字從肉從爰爰予之爰
聲者鄭注儀禮豐古文從經今文又就古文解之者鄭
欲兩從故也但字從肉義可知而以爰與股不是形聲
之類其

理未審 升魚鱠鮒九實于中鼎注差減之音義

鮒市專
反又市

轉反鮒
音附

疏

注釋曰差減之者案特牲魚十有五
今為喪祭畧而用九故云差減之也

升腊左

胖髀不升實于下鼎注腊六七體牲之類音義

髀步禮
反又方

爾疏

注釋曰云脂亦七體牲之類者上文升左肩臂臠反臠胎脊骨是牲之七體今升脂左肫亦然持牲記

云脂如牲骨是也

皆設局鬲陳之注嫌既陳乃設局鬲也今文

局作鉉古文鬲作密疏

注釋曰云嫌既陳乃設局鬲也者經云陳三鼎後言設局鬲有

嫌故記人辨之皆先局鬲後陳之也

載猶進祗魚進鬻注猶猶士喪既夕

言未可以吉也祗本也鬻脊也今文祗為臠古文鬻為

者音義

鬻渠之反為臠音帝

疏

釋曰鬻祗二者皆變於吉是以少牢云下利升豕其載如羊皆進下

注云變於食生也又曰脂一絰而俎亦進下又曰魚用鮒十有五而俎縮載右首進腴注云亦變於食生也是皆於此反矣是變於吉也注釋曰云猶猶士喪既夕言未可以吉也者云與吉反則明與生人同士喪禮小斂

云昏覆進祇注云祇本也進本者未異於生也至大歟
載魚左首進鬻腊進祇鄭注云亦未異於生也又葬奠
云如初昏未異於生故記人以猶之是祝俎髀脰脊脅
以鄉飲酒鄉射記皆云右體進腍是也

離肺陳于階閒敦東注不升於鼎賤也統於敦明神惠

也祭以離肺下尸音義

下尸音義
嫁反疏

注釋曰云不升於鼎賤也者祝對上尸俎羹鉶

升於鼎為貴者也云統於敦明神惠也者案上文饌黍稷二敦於階閒西上是神之黍稷今陳祝饌于神饌之東統於神物明惠由神也云祭以離肺下尸者以其尸祭用判肺祝不用判肺用離肺故云下尸也○淳

尸盥執槃西面執匱東面執巾在其北東面宗人授巾

南面注槃以盛棄水為淺汚人也執巾不授巾卑也音

義

淺劉音箭 疏

釋曰上經直云淳尸盥宗人授巾不云執樂與執匝執巾及宗人授巾等面位

故記人明之

○主人在室則宗人升戶外北面注當詔主人

室事疏

注釋曰上經唯言宗人告有司具及詔主人踊皆堂下之事今主人入室宗人當升戶外詔主

人室中之事故升堂也

佐食無事則出戶負依南面注室中尊不

空立戶牖之間謂之依音義

依於豈疏注釋曰云戶牖反注同之間謂之依此

爾雅文謂戶西南面也

○鉶用苦若薇有滑夏用葵冬用苴有

杞注苦苦茶也苴董類也乾則滑夏秋用生葵冬春用

乾苴古文苦為枯今文或作苴音義

薇音微苴音凡茶音徒董音謹枯如

字又音姑劉本作枯音疏釋曰案公食記三牲具則牛先古反芡音戶劉音下藿羊苦豕薇各用其一若一

牲者容兼用其二是以及特牲一豕皆云銅芡苦薇是科用其一也注釋曰知藿莖類者內則云藿莖粉榆同為滑物故知藿莖類也云乾則滑者以其冬用之故知乾則滑于莖也云夏秋用生葵冬春用乾藿者以其秋與夏同有生葵春初未生者故春約與冬同是
以經直云冬明舉夏以兼秋舉冬以兼春也
豆實葵

菹菹以西羸醢籩棗烝栗擇則菹荂也棗

烝栗擇則豆不葐籩有藜也音義
羸力禾反葐苦瞎反劉苦割反或作駢同

疏
注釋曰云棗烝栗擇則菹荂也棗烝栗擇則豆不葐籩有藜也者此雖無正文案士喪禮大斂云駢豆兩

其實葵菹芋羸醢兩籩無藜布巾其實栗不擇脯四脰自大斂後皆云如初則葬奠四豆脾析葵菹亦長矣四

遷東糗栗脯亦不擇也至此乃云粟
燕栗擇則蕓亦切矣豆籩有飾可知

○尸入祝從尸注

祝在主人前也嫌如初時主人倚杖入祝從之初時主

人之心尚若親存宜自親之今既接神祝當詔侑尸也

疏

注釋曰上經陰厭時主人先祝入戶至此迎尸祝在
主人前先後有異故記人明之是以鄭云祝在主人

前也嫌如初時主人倚杖入祝從之也云今既接神祝
當詔侑尸也者尸神象是以云既接神祝當詔侑尸即

上祝命佐食爾敦舉黍稷及祝酌授尸
及祝出告利成祝入尸謾之等是也

尸坐不說屨注

侍神不敢燕惰今文說為稅疏

注釋曰案鄉飲酒燕禮
之等凡坐降說屨乃升

坐今尸雖坐不說屨者
為侍神不敢燕惰故也

尸謾祝前鄉尸注前道也祝道

尸必先鄉之為之節音義

鄉許亮反下注同

疏

釋曰此記尸謾之時祝前尸之

儀也注釋曰云必先鄉之為之節者言必先面鄉尸者為之節度也

還出戶又鄉尸還過

主人又鄉尸還降階又鄉尸注過主人則西階上不言

及階明主人見尸有蹠踏之敬音義

蹠子六反疏注釋

主人則西階上不言及階明主人見尸有蹠踏之敬者以其經出戶降階及門皆指物而言主人者欲見階上不言西階而言主人者欲見主人見尸有蹠踏之敬故改去階名而云主人也降階還及門如

出戶注及至也言還至門明其間無節也降階如升時

將出門如出戶時皆還向尸也每將還必有辟退之容

凡前尸之禮儀在此音義

辟音疏

注釋曰言還至門明其間無節也者以經

自階已前皆不言及從階到門言及者以其自階到門其中道遠故特言及以殊之是以鄭云言還至門明其間無節謂無還鄉尸之節也云降階如升時以將出門如出戶時皆還鄉尸也者經直云及門如出戶雖不言降階如升時以將出門如出戶明降階如升時故鄭約出門以明降階也云皆還鄉尸者欲見經還者皆還鄉尸也謂鄉尸乃前道也云每將還必有辟退之容者辟退即逡巡謙讓之容貌也云凡前尸之禮儀在此者以儀禮一部所云前尸之禮儀在此經為具悉者

尸出祝反入門左北面復位然

後宗人詔降疏

釋曰尸出祝反入門左北面復位者謂祝既送尸出反入門復位復上文祝入

門左北面位故云復位也云無後宗人詔降者謂祝復位宗人乃詔告主人降以其無事故也

○尸服

卒者之上服注上服者如特牲士玄端也不以爵弁服

為上者祭於君之服非所以自配鬼神士之妻則宵衣

耳疏

釋曰上經直見主人服不見尸服故記人明之注釋曰云上服對深衣為下玄端者案特牲經筮日

云主人冠玄端至祭日夙興主人服如初是士之正祭服玄端即是卒者生時所著之祭服故尸還服之云不以爵弁服為上者祭於君之服非所以自配鬼神者案曾子問孔子曰尸弁冕而出卿大夫士皆下之注云為君尸或弁者先祖或有為大夫士者彼君之先祖為士尸服爵弁不服玄端若子孫為諸侯先祖為士者尸還服助祭於君之服也云士之妻則宵衣耳者以其經直云尸不緝男女士虞既男女別尸明經云尸可以兼男女故鄭併云士之妻也案特牲正祭主婦著纁笄宵衣明女尸亦宵衣可知

男男尸女女尸

必使異姓不使賤者注異姓婦也賤者謂庶孫之妾也

尸配尊者必使適也音義

適丁疏

釋曰虞卒哭之祭男女別尸故男女別言

之也注釋曰云異姓婦也者以男無異姓之禮故也知經云必使異姓者據與婦為尸者也不使同姓孫與婦為尸者尸須得孫列者孫與祖為尸孫婦還與夫之祖姑為尸故不得使同姓女為尸也云賤者謂庶孫之妾也尸配尊者必使適也者男尸先使適孫無適孫乃使庶孫女尸先使適孫妻無適孫妻使適孫妾又無妾乃使庶孫妻即不得使庶孫妾以庶孫之妾是賤之極者若然庶孫妻亦容用之而鄭云必使適也者據經不使賤有適孫妻則先用適而言其實容用庶孫妻法也必知容用庶孫者以曾子問孔子曰祭成喪者必有尸尸必以孫孫幼使人抱之無孫則取於同姓可也彼不言適是容無適而用庶此經男女別尸據虞祭而言至卒

哭已後自禫以前喪中之祭皆男女別尸知者案司几筵云每敦一几鄭注云雖合葬及同時在殯皆異几體實不同祭於廟同几精氣合少牢吉祭云某妃配是男也當四時之祭月則祭猶未以某妃配某氏哀未忘也則引少牢吉祭妃配之事為證明禫月不當四時祭月則不云某妃配

配則共尸可知

○無尸則禮及薦饌皆如初注無尸謂

無孫列可使者也殤亦是也禮謂衣服即位升降疏

釋

自此盡詔降如初論喪祭無尸之事注釋曰云無尸謂無孫列可使者知謂無孫列者禮記云無孫則取同姓之適則大夫士祭先取孫無孫取同姓之適是有孫列可使如無孫復無同姓之適是無孫列可使者也云殤亦是也者禮記曾子問云宗子直有陰厭庶殤直有陽厭是尸可知曾子問又云宗子直有陰厭庶殤直有陽厭是

無尸也云禮謂衣服即位升降者雖無尸主人亦如上所服即位於西序及升降與有尸相似既饗祭

于苴祝祝卒注記異者之節疏

注釋曰云記異者謂記無尸者異於有尸何者

有尸祝釋孝子辭釋辭訖為祝祝卒別有迎尸已後之事今無尸者祝祝卒饗神訖無迎尸以後之事故下文云不綏祭之等是

記異者之節也

不綏祭無泰羹湑斝從獻注不綏言

獻記終始也事尸之禮始於綏祭終於從獻綏當為墮

音義

綏依注音墮許惠反

疏

釋曰此四事皆為尸是以上文有尸者云迎尸而入祝命佐食綏祭有泰

羹湑自門入設于銅南載四豆設于左又尸食之後主人初獻賓長以肝從主婦亞獻賓長以燭從賓長獻後亦如之無尸闕此四事自羹已下三事皆蒙無字解之也注釋曰云不綏言獻記終始也者以見經無尸具陳

四事凡祭禮以獻為終舉終以見始亦得為義今不但
言獻記其終始具言四事者欲明始於綏祭終於從獻
故鄭即云事尸之禮始於綏祭終於從獻者故具言之
云綏當為墮者周禮守祧職云既祭藏其墮墮字為正
取減為義

主人哭出復位注於祝祝卒疏

注釋曰謂祝祝卒無尸可迎既無上

四事主人遂即哭出復戶外東面位也

祝闔牖戶降復位于門西注門西

北面位也疏

注釋曰鄭此及下注皆云復位者門西北面位者據上文尸出祝反入門左北面復

也**男女拾踊三注拾更也三更踊音義**

拾其業反注下同更音庚**疏**

注釋曰凡言更踊者主人踊主婦踊賓乃踊三者三為拾也

如食閒注隱之如尸一

食九飯之頃也疏

注釋曰隱之者謂闔牖戶也九飯之頃時節也

祝升止哭聲

三啟戶注聲者噫歆也將啟戶警覺神也今文啟為開

疏

注釋曰云聲者噫歆也者若曲禮云將上堂聲必揚故云將啟戶警覺神也

主人入注親

之疏

注釋曰云親之者啟牖嚮是親之事主人無事而入者是主人親至神所恭敬之事也

祝從

啟牖鄉如初注牖先闔後啟扇在內也鄉牖一名也如

初者主人入祝從在左音義

鄉許亮反疏

注釋曰云牖先闔後啟扇在內也者

見上文闔牖戶闔時牖先言此經上云主人入祝從乃言啟牖是戶先開乃啟牖故須解之扇在內也云鄉牖一名也者案詩云塞鄉瑾戶注云鄉北出牖也與此注不同者語異義同北牖名鄉鄉亦是牖故云牖一名也云如初者主人入祝從入在左者鄭以經如初之文在牖鄉之下恐人以為啟牖鄉如初上既無啟牖鄉之事

明據主人與祝位如初也

主人哭出復位注堂上位也疏

注釋曰案下文云宗

人詔降如初注云詔主人降之乃降堂明此復位者復堂上東面位也

卒徹祝佐食降復

位注祝復門西北面位佐食復西方位不復設西北隅

者重閉牖戶褻也疏

注釋曰鄭知祝與佐食位如此者見上經云主人即位于堂衆主人

及兄弟實即位于西方佐食即實也故知佐食言復位復西方可知知祝復位復門西北面位者上經祝入門左北面注不與執事同位接神尊也明此祝復位復門西北面位可知云不復設西北隅者重閉牖戶褻也者上經有尸者有陰獸有陽獸無闔牖戶之事今無尸者陰獸時闔牖戶今更設饌於西北隅復更闔牖戶為褻瀆故不為也

宗人詔降如初注初贊闔牖戶宗人詔主人降

之疏

注釋曰此降謂禮畢降堂也上經云贊闔牖戶主人降實出注云宗人詔主人降彼謂降堂故鄭知

此云如初亦如上經詔降也

○始虞用柔日注葬之日日中虞欲安

之柔日陰取其靜疏

釋曰自此下盡哀薦成事論初虞二虞三虞卒哭明三者之祭饗神

辭及用日不同之事注釋曰云葬之日日中者上文云日中行事是也葬用丁亥是柔日葬始虞用日中故云

始虞用柔日也

曰哀子某哀顯相夙興夜處不寧注曰辭也祝

祝之辭也喪祭稱哀顯相助祭者也顯明也相助也詩

云於穆清廟肅雍顯相不寧悲思不安音義

相息亮反思息似反

敢用絜牲剛鬣注敢昧冒之辭豕曰剛鬣音義

昧亡比反冒亡

報疏

注釋曰敢昧冒之辭者凡言敢者皆是以卑觸尊不自明之意故云昧冒之辭云云曰剛鬣者下曲

禮香合注黍也大夫士於黍稷之號合言普淖而已此

言香合蓋記者誤爾辭次黍又不得在薦上音義

香本又作

鄉音同黍曰鄉合疏

注釋曰案下曲禮云黍曰香合梁曰香其稷曰明梁是也云大夫士於黍稷之號合

言普淖而已此言香合蓋記者誤耳者曲禮所云黍稷別號者是人君法特牲少牢黍稷合言普淖此別號黍為香合下特辨稷為普淖故知記誤也云辭次黍又不得在薦上者依設薦法先設菹醢次設俎後設黍稷今黍在嘉薦之上此亦記者之誤故鄭非之也若然俎在後今潔牲在黍上者祭以牲為主故先言非設時在前也

嘉薦普淖注嘉薦菹醢也普淖黍稷也普大也淖和

也德能大和乃有黍稷故以為號云音義

淖女孝反

疏

注釋曰言故以為號云者鄭以意解之無正文故言云以疑之

明齊漚酒注明齊新水

也言以新水漚釀此酒也郊特牲曰明水泂齊貴新也

或曰當為明視謂兔腊也今文曰明粢粢稷也皆非其

次今文漚為醖音義

齊才計反注同

疏

注釋曰云言以新水漚釀此酒

也者鄭以漚水邊為之與縮字義異謂以新水漬麴乃

漚釀此酒又引郊特牲明水泂齊貴新也者彼注云泂

猶清也五齊濁沛之使清謂之泂齊及取明水皆貴新

也據彼注明水則周禮司烜氏所取月中之水與此明

齊新水別鄭引之者彼此雖異引之直取新義同故引

為證非謂為一物也云或曰當為明視謂兔腊也者士

祭有兔腊是故或有人作如此說云今文曰明粢稌稷也皆非其次者若以明齊當為明視作兔腊解者應在上與牲為次何因退在下今文又為稷解者上已云普淖兼黍稷何用又見稷也故知二者皆非其次也若無特牲少牢無腊

哀薦禘事注始虞謂之禘事者主欲其

禘先祖也以與先祖合為安今文曰合事音義

洽 禘音

疏

注釋曰始虞謂之禘事者主欲其禘先祖也者案公羊傳文二年云大禘者何合祭也合先祖之主於大廟故此鄭亦以禘為合而言但三虞卒哭後乃有祔祭始合先祖今始虞而已言禘者鄭云以與先祖合為安故下文云適爾皇祖某甫是

適爾皇祖某甫注爾女也女死

始虞預言禘之意也

者告之以適皇祖所以安之也皇君也某甫皇祖字也

若言尼甫音義

女音

饗注勸彊之也再虞皆如初曰哀

薦虞事注丁日葬則己日再虞其祝辭異者一言耳疏

注釋曰己日再虞者以其後虞用剛日初虞再虞皆用柔日始虞用丁日隔戊日故知再虞用己日云祝辭異者一言耳者一言或有一句為一言若論語云一言以蔽之曰思無邪是也今此一言則一字為一言謂數一虞云裕再虞云虞三虞云成是也三虞卒哭他用剛日亦如初曰哀薦

成事注當祔於祖廟為神安於此後虞改用剛日剛日陽也陽取其動也士則庚日三虞壬日卒哭其祝辭異者亦一言耳他謂不及時而葬者喪服小記曰報葬者

報虞三月而後卒哭然則虞卒哭之間有祭事者亦用

剛日其祭無名謂之他者假設言之文不在卒哭上者

以其非常也令正者自相亞也檀弓曰葬日中而虞弗

忍一日離也是日也以虞易奠卒哭曰成事是日也以

吉祭易喪祭明日祔於祖父如是虞為喪祭卒哭為吉

祭今文他為它音義報禮記音芳付反下同疏注釋曰

祔於祖廟為神安於此者即解初虞再虞稱祫稱虞之

意今三虞改用剛日將祔于祖取其動義故也云士則

庚日三虞壬日卒哭者以其己日為再虞後改用剛日

日取壬日為卒哭云祝辭異者亦一言耳者改虞為成
是一言也云他謂不及時而葬者謂有故及家貧不及
三月因三日殯日即葬于國北引喪服小記者彼鄭注
云報讀為赴疾之處謂不待三月葬因殯日虞所以安
神以送形而往迎魂而反而須安之故疾虞三月而後
卒哭者謂卒去無時之哭鄭云卒哭待哀殺故至三月
待尋常葬後乃為卒哭祭也云然則虞卒哭之間有祭
事者亦用剛日者以虞卒哭已是剛日他祭在後故亦
用剛日也云其祭無名謂之他者謂虞卒哭祔祥皆有
名此則無名故謂之他云文不在卒哭上者此他祭在
卒哭上今退在卒哭下者以其非常祭故也引檀弓者
證卒哭辭稱成事之義但卒哭為吉祭者喪中自相對
若據二十八月後吉祭而言禫祭已前總為喪祭也若
然此經云三虞與卒哭哀薦成事明文而鄭注檀弓云
卒哭而祭其辭蓋曰哀薦成事言蓋疑之者以鄭君以
前有人解云三虞與卒哭同為一事解之者鄭故疑卒

哭之辭而云蓋也是以禭記云上大夫之虞也少牢卒哭成事祔皆太牢鄭注云卒哭成事祔言皆則卒哭成事祔與虞異矣是微破前人三虞與卒哭同解者也○獻畢未徹乃餞注卒哭之

祭既三獻也餞送行者之酒詩云出宿于涕飲餞于禰

尸旦將始祔于皇祖是以餞送之古文餞為踐疏

釋曰自此

盡不脫帶論卒哭之祭未徹餞尸於寢門外之事注釋曰鄭云卒哭之祭者案經文直云獻畢未徹乃餞不言卒哭鄭知是卒哭之祭者以其三虞無餞尸之事明旦祔於祖入廟乃有餞尸之禮故鄭據卒哭而言若然三虞不餞尸者以其三虞與卒哭同在寢祔則在廟以明旦當入廟以其易虞鄉尊所故特有餞送尸之禮也引詩者彼生人餞行人之禮為行始此祭祀餞尸之禮亦鄉祖廟為行始事雖異餞送飲酒是同故引為證也知

旦將始祔於皇祖者下云明日以其班
祔鄭云卒哭之明日也是明日之旦也尊兩甒于廟門

外之右少南水尊在酒西勺北枋注少南將有事於北

有玄酒即吉也此在西尚凶也言水者喪質無累不久

陳古文甒為廡也疏

注釋曰云少南將有事於北者正謂下文云尸出門右南面已下是

也云有玄酒即吉也者以其虞祭用醴酒無玄酒至卒
哭云如初則與虞祭同今至餞尸用玄酒酒則尋常祭
祀之酒非醴故云即吉也云此在西尚凶也者以其吉
祭祭尊在房戶之間至於虞祭尊在室是凶今卒哭餞
尸尊在門西不在門東
是尚凶故變於吉也

洗在尊東南水在洗東篚在西

注在門之左又少南饌邊豆脯四脰注酒宜脯也古文

胾為挺有乾肉折俎二尹縮祭半尹在西塾注乾肉牲

體之脯也如今涼州鳥翅矣折以為俎實優尸也尹正

也雖其折之必使正縮從也古文縮為威音義

胾徒頂反又他

頂反翅疏注釋曰云涼州鳥翅者經云乾肉折俎申豉反疏則漢時乾脯似之故鄭以今曉古也

尸出

執几從席從注祝入亦告利成入前尸尸乃出几席素

几葦席也以几席從執事也音義

從子疏注釋曰云祝容反疏入亦告利成

入前尸尸乃出者雖餞行飲酒尸將起之時祝亦如虞祭告云利成尸乃興以前尸也知几席素几葦席也者上經初虞云素几葦席在西序至及再虞三虞及卒哭皆如初不見更設几席之文明同初虞用素几葦席今

卒哭祭末饌尸於門外明是卒
哭之几席故知是素几葦席也尸出門右南面注俟設

席也疏

注釋曰知俟設席者尸在門右南面在坐北立下即云席設之事明俟設席也

席設于

尊西北東面几在南賓出復位注將入臨之位士喪禮

賓繼兄弟北上門東北面西上門西北面東上西方東

面北上主人出即位于門東少南婦人出即位于主人

之北皆西面哭不止注婦人出者重饌尸疏

注釋曰婦人自

堂及房而已今出寢門之外故云重饌尸也

尸即席坐唯主人不哭洗廢爵

酌獻尸尸拜受主人拜送哭復位薦脯醢設俎于薦東

胸在南注胸脯及乾肉之屈也屈者在南變於吉音義

胸其疏釋曰云主人拜送者案上祭云主人答拜特牲供反疏亦云拜送則拜時吉凶同也注釋曰云屈者在

南變於吉者案曲禮云以脯脩置者左胸右末鄭云屈中曰胸則吉時屈者在左今尸東面而云胸在南則是凶禮屈者在右末頭尸左執爵取脯濡醢祭之佐食授在左故云變於吉也

齊注授乾肉之祭尸受振祭齊反之祭酒卒爵奠於南方注反之反於佐食佐食反之於俎尸奠爵禮有終疏

注釋曰鄭知反之反於佐食者經云佐食授齊尸受振祭齊齊訖而云反之明反於佐食佐食乃反於俎可知也云尸奠爵禮有終者上經云三獻尸皆有酢令饌尸三獻皆不酢而奠之是為禮有終謂若主人拜送賓不

答拜亦是禮有終也

主人及兄弟踊婦人亦如之主婦洗足爵亞

獻如主人儀無從踊如初賓長洗纔爵三獻如亞獻踊

如初佐食取俎實于篚尸謾從者奉篚哭從之祝前哭

者皆從及大門內踊如初注男女從尸男由左女由右

及至也從尸不出大門者由廟門外無事尸之禮也古

文謾作休疏

注釋曰鄭知男女從尸男由左女由右者約上文男子在南婦人在北南為左北為

右因從此位便故知男子由左婦人由右也云從尸不出大門者由廟門外無事尸之禮也者在廟以廟為限在寢門外以大門為限正祭在廟廟門外無事尸之禮今饌尸在寢門外則大門外無事尸之禮故鄭舉正祭

況之從尸不出大門外取正祭比之
故注云由廟門外無事尸之禮也

尸出門哭者止注

以餞於外大門猶廟門疏

注釋曰鄭意所以尸出大門哭者便止者正以餞於寢門

以大門為限似事尸在廟門為限故知鄭云大門猶廟門也

賓出主人送拜稽顙注

送賓拜於大門外疏

注釋曰上從尸不出大門者有事尸限故不出大門送之送賓於大

門外自是常禮故云送賓拜于大門外但禮有終賓無答拜之禮也

主婦亦拜賓注女賓

也不言出不言送拜之於闈門之內闈門如今東西掖

門疏

注釋曰上主人送男賓故知此主婦拜女賓也云不言出送拜之於闈門之內者決上文男主拜男

賓言出送此明主婦送女賓于闈門之內以其婦人送迎不出門見兄弟不踰闕故也云闈門如今東西掖門

者案爾雅釋宮云宮中之門謂之闈則闈門在宮內
漢時宮中掖門在東西若人左右掖故舉以為況也

夫說經帶于廟門外注既卒哭當變麻受之以葛也夕

日則服葛者為祔期今文說為稅疏注釋曰云既卒哭當變麻受之以葛

也者喪服鄭注云大夫以上虞而受服士卒哭而受服

士亦約此文而言也云夕日則服葛者為祔期者今日

為卒哭祭明旦為祔前日之夕為祔祭之期變麻服葛

是變重從輕明旦亦得變不要夕期之時變之夕時言

變麻服葛者鄭云為祔期是因入徹主人不與注入徹

祔期即變之使賓知變節故也

者兄弟大功以下言主人不與則知丈夫婦人在其中

古文與為豫音義

與音預

疏

注釋曰鄭知入徹是大功以下者見曾子問云士祭不足

則取于兄弟大功以下者經云入徹主人不與明取大功小功總麻之等入徹也云言主人不與則知丈夫婦人在其中者上文直言丈夫說經不辨親疏下文婦人脫首經不辨齊斬婦人此云入徹據大功以下則此文入徹主人不與之中丈夫婦人兼有可知以其平常祭時諸宰君婦廢徹不遲則凶祭丈夫婦人亦在但齊斬不與婦人說首經不說帶注不說帶齊斬婦人帶不說徹耳

也婦人少變而重帶帶下體之上也大功小功者葛帶

時亦不說者未可以輕文變於主婦之質至祔葛帶以

即位檀弓曰婦人不葛帶疏

注釋曰知齊斬婦人帶不說也者案喪服小記云齊

衰帶惡筭以終喪鄭云有除無變舉齊衰則斬衰帶不變可知齊斬帶不變則大功以下變可知云婦人少變

者以其男子既葬首經腰帶俱變男子陽多變婦人既葬直變首經不變帶故云少變也云而重帶帶下體之上也者對男子陽重首首在上體婦人陰重腰腰是下體以重下體故帶不變也云大功小功者葛帶者案大功章云布衰裳壯麻經纓布帶三月受以小功衰即葛九月者又案小功章云布衰裳漂麻帶經五月者二者章內皆男女俱陳明大功小功婦人皆葛帶可知云時亦不說者未可以輕文變於主婦之質者變是文不變是質不可以大功以下輕服之文變主婦重服之質故經直見主婦不見大功以下也云至祔葛帶以即位者此鄭解大功以下雖夕時未變麻服葛至祔日亦當葛帶即位也知大功以下夕時未變麻服葛者以其與主婦同在廟門外主婦不變大功以下亦不變若然夕時不變夕後入室可以變故至祔旦以葛帶即位也引檀弓者亦證齊衰婦無尸則不餞猶出凡席設如初拾踊人不葛帶之事

三注以餞尸者本為送神也丈夫婦人亦從几席而出

古文席為筵疏

釋曰自此至賓出論卒哭祭無尸可餞之事注釋曰云几席設如初者雖無尸

送神不異故云如初故鄭云餞尸者本為送神也云丈夫婦人亦從几席而出者以其云出几席設如初即云拾踊三明在門外有尸行禮之處即知丈夫婦人從几席出可知言亦者亦餞尸之時也哭止告事

畢賓出○死三日而殯三月而葬遂卒哭注謂士也雜

記曰大夫三月而葬五月而卒哭諸侯五月而葬七月

而卒哭此記更從死起異人之間其義或殊疏

釋曰自此盡他

辭一也論記人所記其義或殊事以更有此文也云遂卒哭不言三虞者是記人略言之注釋曰注云謂士也

者以其此篇是士虞故知三日三月據士而說引雜記者是大夫以上與士異者以其王制大夫上同有三日而殯三月而葬之文雜記云大夫亦同三月而葬卒哭則士云三月大夫五月卒哭之月不同者曲禮云主與來日死興往日鄭云與猶數也生數來日謂成服杖以死來日數也死數往日謂殯歛以死日數也大夫以上皆以來日數若然士云三日殯三月葬皆通死日死月數大夫以上殯葬皆除死日死月數是以士之卒哭得葬之三月內大夫三月葬除死月通死月則四月大夫有五虞卒哭在五月諸侯以上以義可知云此記更從死起異人之間其義或殊者上已論虞卒哭此記更從始死記之明非上記人是異人之間其辭或殊更見記之事其實義亦

將旦而祔則薦注薦謂卒哭之祭疏

釋曰

不異前記也

云將旦而祔則薦者記人見卒哭之祭為祔而設故連文云將旦而祔則為此卒哭而祭也

卒辭曰

哀子某來日某齊祔爾于爾皇祖某甫尚饗注卒辭卒

哭之祝辭齊升也尚庶幾也不稱饌明主為告祔也今

文齊為齊音義

齊子

疏

注釋曰云卒辭卒哭之祝辭者謂迎尸之前祝釋孝子辭云爾

云不稱饌明主為告祔也者但卒哭之祭實有牲饌而不稱者以其卒哭祭主為告神將祔于祖而設牲饌故不言

女子曰皇祖妣某氏注女孫祔於祖母疏

注釋曰此女子

謂女未嫁而死或出而歸或未廟見而死歸葬女氏之家既葬祔于祖母也

婦曰孫婦于皇

祖姑某氏注不言爾曰孫婦差疏也音義

差初

疏

注釋曰此

對上文孫祔于祖而云祔于爾皇祖某甫此則不曰爾而變曰孫婦婦差疏故不云爾也若然上女子亦不云

爾者文承孫下云爾可知
直言其皇祖妣異者耳
其他辭一也注來日某濟祔

尚饗疏

注釋曰他辭一者正謂來日某濟祔尚饗女子及孫婦皆有辭故云其他辭一也其祔女子云

來日某濟祔爾于爾皇祖妣某氏尚饗其孫婦云來日某濟祔孫婦于皇祖姑某氏尚饗饗辭曰哀

子某主為而哀薦之饗注饗辭勸彊尸之辭也主絜也

詩曰吉圭為饔凡吉祭饗尸曰孝子疏

注釋曰饗辭勸彊尸之辭也者

案特牲禮迎尸入室尸即席坐主人拜妥尸尸答拜執奠祝饗鄭云勸彊之也其辭引此士虞記則宜云孝孫某主為孝薦之饗當此辭為之凡吉祭饗尸曰孝子者此一辭說三虞卒哭勸尸辭若祔及練祥吉祭其辭亦用此但改哀為孝耳
明日以其班祔注卒哭之明日也故鄭云凡以該之也

班次也喪服小記曰祔必以其昭穆匹則中一以上凡

祔已復于寢如既祔主反其廟練而後遷廟古文班或

為辨辨氏姓或然今文為胖疏

注釋曰引喪服小記者彼解中猶間也一以上

祖又祖孫祔祖為正若無祖則祔于高祖以其祔必以昭穆孫與祖同昭穆故間一以上取昭穆相當者若婦則祔于夫之所祔之妃無亦間一以上若妾祔亦祔于夫之所祔之妾無則易牲祔女君也云凡祔已復于寢如既祔主反其廟者案文三年公羊云大事者何大祔也大祔者何合祭也毀廟之主陳于太祖未毀廟之主皆升合食于太祖又案曾子問云天子諸侯既祔祭主各反其廟今祔于廟祔已復于寢若大夫士無木主以幣主其神天子諸侯有木主者以主祔祭訖主反于寢如祔祭訖主反廟相似故引為證也云練而後遷廟者

案文二年經云丁丑作僖公主穀梁傳云作僖公主譏其後也作主壞廟有時日于練焉壞廟壞廟之道易檐可也改塗可也是練而遷廟引之者證練乃遷廟祔遷于寢案左氏僖公三十三年傳云凡君薨卒哭而祔祔而作主特祀于主烝嘗禘於廟服注云特祀于主謂在寢烝嘗禘于廟者三年喪畢遭烝嘗則行祭皆於廟焉遭烝嘗乃于廟則自三年以前未得遷于廟而禘祭此賈服之義不與鄭同案春官鬯人職云廟用鬯鄭注云廟用鬯者謂始禘時自饋食始以此言之鄭義若於三年後四時常祭在廟用彝盛鬯必用鬯中尊謂獻象等以盛鬯酒故鄭取穀梁練而遷廟特祀新死者于廟故用鬯也若然唯祔祭與練祭祭在廟祭訖主反于寢其大祥與禫祭其主自然在寢祭之案下文禫月逢四時吉祭之月即得在廟祭但未配而已又玄鳥詩鄭注云君喪三年既畢歸于其廟而後祫祭于太祖明年春禘于羣廟若如此言則三年喪畢更有特禘者鄭意除

練時特禘三年喪畢更有此特禘之禮也

沐浴櫛搔翦注彌自飾也搔當音

爪今文曰沐浴搔翦或為蚤揃揃或為鬻音義

搔依注作爪翦

子淺

疏

注釋曰云彌自飾也者上文虞沐浴不櫛注云反自潔清不櫛未在於飾鄭雖言未在於飾沐浴

已少飾今禘時櫛是彌自飾也

用專膚為折俎取諸脰膾注專猶厚也

折俎謂主婦以下俎也體盡人多折骨以為之今以脰

膾貶於純吉今文字為折俎而說以為折俎亦甚誣矣

古文脰膾為頭啗也音義

膾音益

疏

注釋曰云折俎謂主婦以下俎者鄭知俎

是主婦以下俎者特牲記云主婦俎殷折佐食俎殷折少牢云主婦俎牖折是也

其他如饋食

注如特牲饋食之事或云以左胖虞右胖祔今此如饋

食則尸俎所俎皆有肩臂豈復用虞臂乎其不然明矣

疏注釋曰云如特牲饋食之事者知不如士虞饋食禮者虞不致爵則夫婦無俎矣上文有俎則祔時夫婦

致爵以祔時變麻服葛其辭稱孝夫婦致爵與特牲同故云如特牲饋食之事也或云以左胖虞右胖祔者當

鄭君時有人解者云虞祭與祔祭共用一牲各用一胖以左胖為虞祭右胖為祔祭不是故鄭破之云今此經

云如饋食謂如特牲饋食之禮尸俎用右胖解之主人俎左臂左胖之臂以為虞祭主人豈得復取虞時左胖

之臂而用之乎明不然矣用嗣尸注虞祔尚質未暇筮尸疏釋曰言用嗣尸

則從虞以至祔祭惟用一尸而已注釋曰云虞祔尚質未暇筮尸者以其哀未殺故云尚質未暇筮尸若然練

祥則筮尸矣故喪服小記云練筮日筮尸大祥筮尸可知是以鄭上文注云餞尸旦將始祔于皇祖是用一尸

也
曰孝子某孝顯相夙興夜處小心畏忌不惰其身不

寧注稱孝者吉祭疏

注釋曰對虞時稱哀案檀弓虞為喪祭卒哭為吉祭卒哭既為吉祭

祔在卒哭後亦是吉祭故鄭以吉祭言之也

用尹祭注尹祭脯也大夫士祭

無云脯者今不言牲號而云尹祭亦記者誤矣疏

注釋曰鄭

知尹祭是脯者下曲禮云脯曰尹祭故知也但曲禮所云是天子諸侯禮用脯號案特牲少牢無云用脯者故云大夫士祭無云脯者惟上餞尸有脯此非餞尸故不言牲號而云尹祭亦記者誤也以其上文初虞云敢用絜牲剛鬣令不言牲號而云尹祭是記人誤云亦者亦上文香合也
嘉薦普淖普薦澂酒

注普薦釔羹不稱牲記其異者今文洩為醢疏

注釋曰知普薦

是釔羹者案上文虞禮及特牲皆云祝酌奠于釔南則釔在酒前而設此亦普薦在酒上故知也但虞禮一釔此云饋食則與特牲同二釔故云普薦也云不稱牲記其異者對與初虞之等稱牲但記其異雖不說牲之號有號可知也若然云記其異者以嘉薦普淖洩酒與前不異記之以其普薦與前異特言設薦在普淖後洩酒前故并言

適爾皇祖某甫以濟祔爾孫某甫尚饗注欲

其次矣

其祔合兩告之曾子問曰天子崩國君薨則祝取羣廟之主而藏諸祖廟禮也卒哭成事而後主各反其廟然則士之皇祖於卒哭亦反其廟無主則反廟之禮未聞

以其幣告之乎疏

注釋曰云欲其祔合兩告之者欲使死者祔于皇祖又使皇祖與死者合

食故湏兩告之是以告死者曰適爾皇祖某甫謂皇祖曰濟祔爾孫某甫二者俱饗是其兩告也引曾子問者

案彼鄭注云象有凶事者聚也云卒哭成事而後主各反其廟者至祔湏得祖之木主以孫祔祭故也天子諸侯有木主可言聚與反廟之事大夫無木主祭而反之故云無主則反廟之禮未聞云以其幣告之乎者曾子問無遷主將行以幣帛為主命此大夫士或用幣以依神而告使聚之無正文故云乎以疑之○

暮而

小祥注小祥祭名祥吉也檀弓曰歸祥肉古文暮皆作

基疏

釋曰自祔以後至十二月小祥故云暮而小祥注釋曰引檀弓者彼謂顏回之喪饋祥肉于孔子而

言彼云饋此云歸者饋即歸也故變文言之引之者證小祥是祭故有肉也

曰薦此常事注

祝辭之異者言常者暮而祭禮也古文常為祥疏

注釋曰祝

辭之異者謂小祥辭與虞祔之辭有異異者以虞祔之祭非常一期天氣變易孝子思之而祭是其常事故祝辭異也云暮而祭禮也者喪服小記文案彼云期而祭禮也期而除喪道也祭不為除喪也注云此謂練祭也禮正月有親親亡至今而期期則宜祭期天道一變哀惻之情益衰衰則宜除不相為也是以謂小祥祭謂常也

事又暮而大祥曰薦此祥事注又復也疏

注釋曰此謂二十五月大

祥祭故云復暮也變言祥事亦是常事也

中月而禫注中猶間也禫祭名也

與大祥間一月自喪至中凡二十七月禫之言澹澹然

平安意也古文禫或為導音義

禫大感反間間側之間下同

疏

注釋曰知

興大祥間一月者二十七月禫後月樂二十八月復平常正作樂也云禫之言澹澹然平安意也者禫月得無所不佩又於禫月將鄉吉祭又得樂懸故云平安意也但至後月乃是即吉之正也

是月也吉祭

猶未配注是月是禫月也當四時之祭月則祭猶未以

某妃配某氏哀未忘也少牢饋食禮祝祝曰孝孫某敢

用柔毛剛鬣嘉薦普淖用薦歲事于皇祖伯某以某妃

配某氏尚饗音義

妃豐非反又音配

疏

注釋曰謂是禫月得禫祭仍在寢此月當四時

吉祭之月則于廟行四時之祭於羣廟而猶未得以某妃配哀未忘若喪中然也言猶者如祥祭以前不以妃配也案禮記云吉事先近日喪事先遠日則大祥之祭仍從喪事先用遠日下旬為之故檀弓云孔子既祥五

日彈琴而不成聲十日而成笙歌注踰月且異旬也祥亦凶事先遠日案此禪言澹然平安得行四時之祭則可從吉事先近日用上旬為之若然二十七月上旬行禪祭于寢當祭月即從四時祭於廟亦用上旬為之引少牢禮者證禪月吉祭未配後月吉如少牢配可知也

儀禮注疏卷十四

儀禮注疏卷十四考證

魚腊爨亞之北上疏言北上則次在豕爨之南○豕爨

之南監本誤作豕鼎之北

臣紱

按三者豕最北魚腊

以次而南所謂北上也此言爨不言鼎下云陳三鼎
于門外之右則此時鼎未陳也

饌黍稷二敦于階間西上藉用葦席○教繼公云藉敦

未必有席席字蓋衍特牲藉用萑

簞布在其東○石經及教本作簞巾

卒杞者逆退復位○教繼公云杞當作乚字之誤也

臣

紱按杞乚自可通用

祝命佐食墮祭○墮教本從今文作綏繼公又云綏或授字之誤

臣紱

按教說雖直截然墮字見周官注疏

自有據依未可輕改

注猶言墮下也○墮與墮義同字別釋文兩出其音可證或混作墮非也

主人獻祝注獻祝因反西面位○面監本譌作南

臣紱

按上主人倚杖入西面是其西面位也

祝坐授主人○敖繼公云授主人下似脫一爵字

自反兩邊○敖繼公云反或取字之誤臣紱按主婦既

獻尸乃出室自取兩邊復入室設之故云自反蓋往

反之義

祝反入徹設于西北隅注凡在南變右文明東面不南

面○右字監本譌作古臣紱按上經云布席于室中

東面右凡此經云凡在南雖變右凡之文而在南則

仍是右凡明此設饌仍東面不南面也若作古字則詞無所屬

記虞沐浴不櫛○

臣紱

按敖本無沐字注云今文曰沐

浴則鄭從古文不應有沐字矣石經有沐字蓋從今文今仍之而加圈以別之

羹飪䟽而以爰與股不是形聲之類其理未審○

臣紱

按股字從爰諧聲也

鉤芼用苦若薇注古文苦為枯今文或作芡○芡字監

本譌作竿又或譌竿今据音義正之

卒徹祝佐食降復位○監本脫復字今依石經及敖本
補正

明齊漉酒○敖繼公云祝祝之時奠用醴而已不用酒
也漉酒似衍臣紱按酒俟尸飯而獻今雖未獻不妨
祝辭中并言之

哀薦祫事注今文曰合事○合字監本作古臣學健按

祫之言合也作合字文義方協合與古形相近而誤

耳

饗○教繼公云以祔祭之辭例之當云尚饗

尸受振祭瘠反之○受字監本譌作授今依石經及教
本改正

哭止告事畢賓出○此七字監本全脫今依石經及教
本補正

嘉薦普淖普薦漶酒疏記其異者以嘉薦普淖漶酒與
前不異○監本漶酒上有普薦二字

臣紱

按下句云

以其普薦與前異則此句中不應有普薦明矣

中月而禪○

臣紱

按禪祭名從示戴侗改從衣作禪非

康熙字典已駁正

儀禮注疏卷十四考證


謹案第三頁後六行疏士虞有几刊本土訛其據

宋本改

第三十三頁前四行以虞易奠卒哭曰成事刊本
曰訛日今據檀弓改

第三十九頁後四行疏大夫以上殯葬皆除死日
死月數刊本除訛殊今改





覆校官編修臣項家達

校對官檢討臣蕭九成

謄錄監生臣夏毓圻